

吳文節公遺集

吳文節公遺集卷四目錄

奏議

查明南河脯工應修情形摺

查明江南武弁運丁被參各款摺

吳文節公遺集卷四

男養原謹編

奏議

查明南河牕工應修情形摺

奏爲查明牕工應修情形恭摺覆奏仰祈

聖鑒事竊臣等於浙江省城承准軍機大臣字寄道光

十九年正月初七日奉

上諭麟慶奏請修理惠濟福興兩牕估需工料銀二十萬兩已降旨飭戶部照數撥給惟此項工程應否修理動用欵項有無浮濫該河督據該道廳等勘估詳報有

無聽受朦混之處着湯金釗等訪查明確據實具奏麟慶原摺一併鈔給閱看將此諭令知之欽此臣等欽遵查該牐工是否應修其緩急情形不難覆勘惟估銀有無浮濫非倉卒所能臆度自應將上屆請修銀數與此次互相比較以期核實當卽咨行河臣將嘉慶十六年十二等年修牐原案卷宗一併檢送前來臣等悉心查覈動用銀數與此次勘估數目多寡不符隨復逐層指出各詢河臣確切登覆一面率同隨帶司員前往勘得惠濟正牐及福興越牐均經堵閉其兩岸分水石牆各有臌裂坍卸情形至石底土舌俱藏水底隨詢明該牐

存水舊誌係以二丈二尺爲率飭取接連竹竿令弁兵等乘舟赴各處探量計水深三丈至六丈餘不等其爲石底被水衝刷跌成深坑土舌亦俱損壞實無疑義面詢該弁兵等僉稱此項工程必需先在下游築壩車木見底運土壤坑方能釘椿砌石次第施工其分水石牆亦須拆卸另建且完工後須俟灰漿乾老方可見水非急切所能應用等語核與原奏情形及冊載做法均屬相符至動用銀數與上屆不符之處亦據河臣覆稱此次請修惠濟正牘冊估石底丈尺層路與嘉慶十六年舊案無異因石價於嘉慶二十三年

奏減一成並有三層甃石舊料可以選用是以料物工匠照舊案少估銀二千一百六十餘兩其築壩車水各工因上次係堵合鉗口壩僅長五丈此次係創築四十八丈並塘水寬深不同是以較舊案多估銀四千八百二十餘兩又福興越牕嘉慶二十三年係間估補修現係全行拆建是以銀數多寡不同等語確核新舊估冊均屬脗合臣等伏查惠濟福興各牕係糧艘經由門戶急溜奔趨勢若懸瀑實屬險要之工是以舊制各設正越二牕用資輪替今惠濟正牕福興越牕均因年久損壞

奏明堵閉設現在行漕之惠濟越牘福興正牘續有情
形必致一時輪放不及貽誤匪輕自應趕緊興修以重
漕運惟此項石工段落寬長應需夫料甚夥加以築壩
車水運土填坑實屬工鉅費繁現經臣等詳加覆勘並
將上屆請修銀數互相比核其間有不符之處咨准河
臣縷細聲覆均與新舊佔冊一一符合該道廳等尙無
朦混浮冒情事應請

勅下河臣欽遵前奉

諭旨領款照估興修仍不時督察工員務須工堅料實
毋任草承偷減工竣核實報銷以期鞏固而杜虛糜所

有臣等查明緣由理合恭摺具

奏再臣等尙有交審佃湖營把總翟九齡等被參各欵
一案現已提集全案人證卷宗訊出大概供情俟覆訊
明確另案具奏合併陳明伏乞

聖鑒訓示謹

奏道光十九年三月初四日奏奉

硃批另有旨欽此

查明江南武弁運丁被參各欵

奏爲查明武弁運丁被參各欵按律定擬恭摺

奏仰祈

聖鑒事竊臣等於浙江省城承准軍機大臣字寄道光
十九年正月初七日奉

上諭據御史周春祺奏武弁養匪害民伍長盜米病丁
一摺著湯金釗吳文鎔於浙江查辦事竣前赴江南按
照摺內所指各欵審訊辦理佃湖營把總翟九齡大河
三幫伍長周維翰身充武弁運丁膽敢營私骯法如果
屬實必應從嚴懲辦以儆刁頑原摺著鈔給閱看等因
欽此臣等查翟九齡等被參各欵情罪綦重諱匿必深
若非傳集衆證難以究出確情當經分咨督臣漕臣將
翟九齡周維翰及原摺內指出要證周維新李仲樞並

其餘有名人證各案卷宗及此外無論何人在何衙門控告翟九齡周維翰之案一併調集封送以便澈底根究旋准咨覆周維新查無其人亦無張姓旗丁與周維翰涉訟案據將李仲舒卽李仲樞辭次南卽薛志南並被搶事主周兆斌旗丁徐壽松等各控案咨送前來臣等以周兆斌雖與周維新同姓異名而被搶上控核與原摺內所指周維新案情大畧相同至徐壽松等聯名具控周維翰剋扣案內有旗丁章銳之隨同列名章張字音相同易混似卽係原摺內所指張姓控案隨咨行督臣將周兆斌及徐壽松等按名提集以備質訊復准

督臣

咨報翟九齡於未奉管押之先在清江客寓服毒

身死等情臣等馳抵淮安卽據各委員將應訊各人證

提解到案隨督同隨帶司員刑部員外郎祥麟黃恩彤

吏部主事夏恒刑部主事易棠按欵悉心研訊如原摺

所參翟九齡強奪徐萬元之女爲妾復指使光棍恐嚇

本夫劉姓不敢控告並將徐萬元家財據爲已有一欵

訊據徐氏之夫劉姓卽劉正榮供稱伊早年招贅徐萬

元家爲婿翟九齡於道光六年間常至徐萬元家往來

何時與伊妻徐氏通姦伊先不知情嗣伊與妻不睦各

自出外謀生至十二年七月間回家始知徐氏久經跟

隨翟九齡過度現已病故翟九齡欲將姪孫翟長生過繼與徐氏爲孫希圖分受徐萬元遺產伊心懷不甘欲行控究經翟九齡煩出昔存今故之劉定說合給伊大錢六十千文息事據徐萬元之姪徐永供稱伊伯徐萬元夫婦故後無子過繼伊胞弟徐廷玉爲嗣徐廷玉旋亦病故經伊弟婦徐氏將分受房產得價大錢二百千賣與翟九齡管業伊作中畫契得受大錢十千文各等語是翟九齡與徐氏通姦苟合並因覬覦該氏母家遺產欲將伊姪孫過繼承祧卑鄙無恥莫此爲甚又原摺所參翟九齡因匪徒陳黑蟹及伊徒孫棍首王成搶刦

得贓分財不滿其意唆令衆匪將陳黑蟹王成兩眼空瞎一欵查陳黑蟹並未搶奪犯案王成先因糾搶事主張鳳高得贓逾貫擬絞已於十八年秋審案內正法檢查原案該犯曾與伊弟王瑞夥同高義等聽糾搶奪財物因分贓不均被高義等將該犯與王瑞兩眼一併空瞎王瑞因傷身死飭緝高義等未獲各在卷提驗陳黑蟹督目屬實訊據供稱伊於道光九年六月初間隨同縣差李升等作線緝拏匪徒劉奇蕭衍淙未獲致被挾誰於是月初四日用鐵鍼將伊兩眼戳瞎伊恐報官後劉奇等尋衅報復畏兇未控與翟九齡並無干涉等語

隔別研訊陳黑蟹鄰居魏廷珍供亦相符訊據薛次南之弟薛蘊山供稱王成搶奪伊家委係馬懷挾嫌主使其被空瞎兩眼亦因與夥犯高義等分贓起釁前經伊兄薛次南屢次上控業蒙將馬懷等拏獲分別擬罪有案可稽伊實未聞翟九齡收王成爲徒孫及主使空瞎其兩眼之事覆核各原案悉與所供暗合又原摺所參周維新被搶控於翟九齡不理周維新自率莊丁緝獲周姓棍徒一名交翟九齡押解輒行放逸捏稱係周維新本家一欵查周維新似卽係事主周兆斌訊據供稱伊家於十四年五月初三日被匪搶奪並將伊父周廷

興捉去伊赴營稟報翟九齡推諉不管伊父旋在小尖集周廣飯店內乘間逃歸卽將匪犯邵開成等指名控縣傳到周廣供有伊族人周廷信同夥並魏廷珍等知情經縣役協同營兵將魏廷珍魏廷榮緝獲旋卽逃逸伊疑係營兵私放是以疊次上控至魏廷珍等並未送交把總衙門押解伊不能指出翟九齡縱犯確憑亦無自率莊丁緝獲周姓棍徒其周廣供出夥犯周廷信係伊同族至今並未緝獲等語研訊承緝兵丁何濬王永順案犯魏廷珍均供翟九齡並無解犯私放情弊臣等以翟九齡與徐氏通姦各情業經訊明屬實足徵其餘

各款必非子虛且該弁如非懼惱重罪何肯仰藥輕生
恐各供尙有不實不盡當復將陳黑蟹薛蘊山周兆斌
等提案詰訊並告以伊等如被翟九齡傷殘擾累均係
身受重害正可將其生前劣款據實指出以抒積忿反
覆開導衆供不移並據周兆斌堅供伊於被搶原案屢
將翟九齡牽控果能指出實在欵贖此時何肯代爲隱
瞞且翟九齡業已身死伊更無所瞻顧委因不能指實
翟九齡縱犯確據其平時如何底匪分贓毫無見聞不
敢妄供等語揆核供情尙屬可信此臣等查訊翟九齡
被參各款之實在情形也至周維翰被參各款現在到

案之徐壽松孟敬己輩銳之王津哲孫克紹係屢次聯
名將周維翰控告之人其李仲舒因周維翰等聯名呈
送被押被革尤屬積有嫌隙似均不至代爲掩飾當卽
提集犯証逐款研審不惟周維翰堅不肯承卽李仲舒
及徐壽松等亦僉稱周維翰並無偷盜糧米魚肉衆丁
情事惟據徐壽松孟敬己供出周維翰於出運時曾經
領過存公銀兩指稱買補米石並不清算帳目等情隨
向周維翰嚴詰據供該幫舊有州縣津貼衆丁存公備
用銀一千六百餘兩十四年運米抵霸後因沿途折耗
過多計通幫短交米五百石經運官何學元將前項存

公銀交伊領回買米補交除照數買補外尙剩漕平銀一百兩伊從中侵用屬實臣等以此項存公銀兩係衆丁應領之欵周維輸膳敢於買米補交時乘機侵用多金卽屬魚肉衆丁之一端復將其餘各欵逐加研訊如原摺所參周維翰於糧船未開以前每船盜賣米一百石勒令地方官重價收買一欵據周維翰供稱伊等出運時每船各有應領行月等米一百石本係衆丁食米伊因糙米不便食用先按市價變賣沿途另買熟米散給衆丁向係如此辦理並非向州縣勒索重價如有勒賣情弊各州縣何肯甘心隱忍且徐壽松等前經牽揑

此欵嗣因算明息銷可以查訊等語研訊徐壽松等並
調核原案均與所供相等又原摺所參窮丁沿途賣米
盜空則鑿沈其船使眾攤賠若賣不甚多周維翰乘夜
令眾丁潑水和土串通花戶朦混收倉一欵訊據周維
翰供稱運船沈失米石事所恒有十七年出運時同幫
旗丁孫克紹等三船因船隻將次報修不能堅固於過
牴時碰損船板致將米石漂失當經運官稟明上司除
將撈獲原米風晾乾潔灑派衆丁帶運外所有損失米
石眾丁均攤賠補其船隻責令本丁自行賠修咨部有
案如有盜米鑿沈情弊不獨眾丁不肯攤賠且本丁雇

夫撈晾米石並賠修船隻所得不償所費况每船均有裝帶土宜及居住家口一經鑿沉不惟貨物難保亦復性命堪虞誰肯作此有害無利之事至漕船抵壩後層層稽察如果潑水和土米質必致潮雜一經盤驗卽時敗露亦非花戶所能瞞收等語研訊孫克紹及何學元並旗丁宋五學等各供僉同又原摺所參張姓旗丁以剋扣控於漕督批道查訊皆被責懲周維翰指稱此案訟費三萬兩令眾丁如數奏償一欵訊據周維翰供稱伊並無被張姓旗丁控告之案惟徐壽松章銳之等八人曾以伊折貢各船倉米等情控經濟督批委蘇松糧

道轉發糧廳查訊旋經同幫旗丁李仲舒等公同算明
前項倉米委係以糙易熟並無弊混徐壽松等亦情願
和息糧道因其不應妄控各予掌責十下將前案息銷
伊於事後並無指稱訟費藉端科派且此案係伊一人
被控衆丁何肯代爲湊銀況本幫夙着貧疲屢有挂欠
衆丁自顧不暇亦無力出此累萬重資供伊中飽祇求
詳察等語研訊旗丁宋五學等及曾經因案被責之徐
壽松等亦堅稱實未聞周維翰有攤派訟費情事又原
摺所參運丁李仲樞不服剋扣周維翰捏造衆丁呈詞
令運官何學元帶領多人將李仲樞掣寄山陽押禁不

准釋放一欵訊據周維翰供稱李仲樞卽李仲舒會於
十八年四月間經同幫眾丁張治平王三賢等多人以
其素不安分呈請查究經幫官何學元詳明督道批准
斥革並將李仲舒送縣究辦李仲舒因伊列名呈內卽
以伊那用箇夫羨餘銀兩等情具控挾制嗣經旗丁史
厚奎等清算理處呈明淮安府准息詳銷委非伊主使
幫官率眾妄罕且李仲舒於到縣後旋卽取保亦並非
押禁不放有呈送及取保各原案可查並有李仲舒可
以質訊等語查核原案與所供悉符質之李仲舒供亦
無異至原摺所參周維翰與幫弁結拜弟兄代歛分金

遇有墾欵重利取償以及僉丁不公從中得賄並與伊弟伊子姦占王三賢家婦女各欵如果屬實不惟眾丁均受荼毒王三賢尤遭汙辱當將到案旗丁宋五學張胡連孟天江孟敬己張晉揚沈壽芳徐壽松王津哲孫克紹章銳之李仲舒及王三賢提集逐欵詰訊飭令據實供招以便代爲革除陋規申理冤枉據宋五學等僉供周維翰實無各項不法重情王三賢亦供伊係屬旗丁自有運船並不在周維翰家服役伊家婦女亦不與其家往來委無姦私情事提訊周維翰之弟周惇裕供亦相同此又臣等查訊周維翰被參各欵之實在供情

也以上各欵均經臣等屢加嚴詰眾供僉符似無遁飾應卽擬結查律載用計詐欺官私取財者計贓准竊盜論免刺又竊盜贓九十兩杖一百徒三年各等語此案旗丁周維翰雖訊無盜賣米石等情惟因領存公銀買米完欠輒從中侵用漕平銀一百兩折實庫平九十餘兩實屬詐取按准竊盜贓九十兩罪應滿徒該犯身充伍長贍敢假公營私情殊貪狡現奉

諭旨從嚴懲辦應將周維翰革退旗丁並從九品職銜於應得本罪滿徒上酌加一等擬杖一百流二千里照律免刺仍交該縣追出原贓解幫充公再行詳請定地

起解到配折責安置翟九齡與劉徐氏通姦苟合並於該氏故後復因覬覦遺產欲將伊姪孫過繼承祧貪鄙已極本應從重定擬業已服毒身死應毋庸議徐州衛守備何學元訊無聽從周維翰主使將李仲舒妄掣寄押情弊惟前在干總任內於周維翰侵用存公銀兩不能查出各有應得應與失察翟九齡劣蹟之該管上司一併查取職名交部議處劉正榮並無知情縱姦其得受翟九齡和息錢文已在伊妻徐氏病故之後且係愚懦被欺從寬免議李仲舒業於前案斥革應與旗丁徐壽松等及兵丁何濟王永順事主周兆斌俱毋庸議周

惇裕訊無犯姦別情亦毋庸議陳黑蟹尙有與尤士亮互控殿搶一案發交該縣歸於彼案訊明另結魏廷珍一犯亦應歸於周兆斌被搶案內由縣提同犯證質訊究辦薛蘊山前因另案擬徒卽行發配徐永等均係無干概予省釋在逃各匪犯照案緝拏周維翰捐照追出審銷再查江蘇淮海一帶民風獵悍匪徒最易滋擾該御史所稱安東縣僻家圩地方多有光棍嘯聚爲害商民誠恐實有其事至旗丁花戶猾黠性成防檢稍疎卽難保不乘機舞弊應請

勅下兩江漕運倉場各督

臣

及江蘇撫

臣

分飭所屬寶

力偵防一體查拏務期有犯必懲俾棍蠶咸知歛跡以
靖地方而肅漕政所有臣等審明定擬緣由除將全案
供招咨部外理合恭摺具

奏伏乞

皇上聖鑒勅部核覆施行臣等於拜摺後卽率同司員
回京覆

命謹

奏道光十九年三月初六日奏奉

硃批另有旨欽此

吳文節公遺集卷五目錄

奏議

覆奏閩洋夷船蹤跡摺

覆奏海口夷船實無收買內地幼孩之事摺

覆奏查拏販運鴉片章程摺

覆奏漳泉營務情形摺

吳文節公遺集卷五

男養原謹編

奏議

覆奏閩洋夷船蹤跡摺

奏爲遵

旨查明閩洋夷船蹤跡並現獲通夷小船人犯提省嚴
訊究辦據實覆

奏仰祈

聖鑒事本年四月二十三日

臣

陞辭尙未就道經軍機大臣交到御史郭柏蔭奏摺一

件傳

旨命臣查明具奏欽此查原奏內稱每屆夏秋閩省內洋常有夷船停泊蓋奸民利其鴉片引之使來寬則誘其駛入港門逼近馬頭以便起卸嚴則令其停於港口暗僱漁船代爲裝載以來已成積弊等語臣抵閩後留心察訪近因各口岸防堵較嚴尙無夷船駛入港門逼近馬頭之事而在外洋游奕奸民暗僱漁船往運烟土入口實所不免卷查本年春夏間各縣營具報夾板夷船或一二隻或三四隻駛至漳州屬之布袋余洲等洋面泉州屬之梅林大嵒等洋而往來游奕均不下

三四日起經各水師哨船隨時驅逐俱卽開駛遠去現在據報洋面並無夷船並節據報獲逆夷運烟小船及人犯十餘名均飭提省嚴究按例懲辦臣思閩洋夷船之倏忽去來皆緣漢奸之勾通販運而欲杜漢奸全在地方官認真嚴辦不遺餘力俾奸民牟利之心阻於畏法則夷船烟土欲售無從將不待驅逐而自不來矣現在奉到部頒

奏定各項新例臣卽嚴飭通屬設法查辦並專札沿海各地方官加意查拏定以稽覈考成務使開設窰口勾夷回販之徒悉行破獲此輩皆出有鉅貲爲烟土自外

洋入內地之樞紐果使人人身家莫保則奸徒必皆破膽不敢再蹈覆車而漁舶小船本無貲本可以勾夷取烟又無僱之使通夷之人則一切防範稽查方易於得手至查辦海口章程現亦道

旨會同署督臣魏元煥督理閩海關稅務臣嵩溥悉心詳議俟議定後由督臣主稿會

奏所有查明夷船駛入閩洋並現在辦理情形謹據實恭摺覆

奏伏乞

皇上聖鑒謹

奏道光十九年九月二十七日奏奉

硃批認真從實他無可諭欽此

覆奏海口夷船實無收買內地幼孩之事摺

奏爲遵

旨查明福建海口夷船實無收買內地幼孩之事謹據
實恭摺覆

奏仰祈

聖鑒事竊臣於五月二十六日在浙江途次接准軍機
大臣字寄道光十九年五月十七日奉

上諭有人奏閩廣兩省海口停泊夷船往往收買內地

年未及歲之幼孩少者數十數百不等多者竟至千餘
其中男少女多實堪駭異夫米粟金銀皆禁止出口況
以無知之赤子投諸嗜欲不通之絕域地方官有父母
斯民之責豈宜置若罔聞且該夷收買幼孩斷非因人
口缺乏藉爲生聚之計設或作爲奇技淫巧致以左道
戕其生命尤堪憫惻不可不嚴加禁絕著林則徐吳文
鎘分查廣東福建兩省如果有其事並著查明該夷收
買幼孩回國是否祇供驅使抑有別項情弊據實詳細
奏聞將此諭令知之欽此臣跪讀之下仰見我
皇上歷念海疆保赤誠求之至意曷勝欽服伏念臣於

四月間

陞辭前一日會蒙

飭交御史焦友麟條陳閩省營務廢弛一摺中有一條稱泉州海口每有黑夷採買內地少女皆奸民偷拐盜賣兵丁包攬接應等語似與此摺所奏相仿臣深爲憤

恨必期察實嚴懲抵諱後留心訪查知濱海各府如福州福甯興化等府內港迂折去外洋較遠夷船不能駛近歷來夷船遊奕及奸民勾通接濟均在漳泉二府而泉州尤甚因思該夷船收買幼孩至於盈千累百自係奸民誘拐牟利必不能皆出於情願卽不能無一二告

發之案當經密札汀漳龍道李昭美護興泉永道尙開
模嚴密確訪並詳查各屬有無呈控案據嗣據該道等
先後覆稱密委熟悉該處情形之候補從九品戴崧汪
均等改裝易服分赴各澳口村鎮逐加細訪實無一人
言及此事各衙門亦無呈控奸民誘拐案據適臣正值
辦理監臨文闈送考教官隨時接見臣以該教官等無
地方之責無所廻護且皆籍隸本省並有卽係漳泉之
人者見聞較確每加意詢訪據云閩省異於廣東本無
貿易口岸夷船向不來此自十三年間奸民勾引來閩
銷售鴉片自此每年有夾板夷船數隻來往不定然皆

在外洋遊奕內地奸民駕駛無篷小漁艇往運烟土聞近年甚有無賴匪徒將內地土娼誘赴夷船賣姦者而採買幼孩之說却無所聞臣先後所見教官數十人其

言詳畧不一大意相同惟王佐才曾承基劉捷龍等數員言之較詳云數年前連值旱荒聞有濱海貧民挈帶子女往呂宋實力等國謀生該國頗以中華女子爲貴肯出重價賣娶爲婦各貧民以該國等去閩較近向多內地民人往彼貿易音信常通故有情愿將幼女賣給者然亦荒歲偶有之事此外未聞有他臣思夷性殘忍且向傳鴉片須人膏血爲之儻實有收買幼孩盈千累

百之事則其左道戕生必有不可究詰者殊堪髮指今
臣詳細訪查實無其事謹據實奏

聞仰綏

聖厤至沿海各口岸現在詳立章程稽查奸民勾夷販
烟如有拐賣幼孩之事正可一併查禁臣自當隨時飭
屬認真辦理所有現在查明緣由理合繕摺具

奏伏乞

皇上聖鑒再御史焦友麟條奏閩省營務一摺臣訪查
各款中有與所言相符者現尚未得其詳容俟查明實
在情形另行具摺奏

聞合并陳明謹

奏道光十九年九月二十一日奏奉

硃批所奏均悉欽此

覆奏查拏販運鴉片章程摺

奏爲體察閩省海口情形遵

旨籌議查拏販運鴉片章程恭摺覆

奏仰祈

聖鑒事竊准部咨欽奉

上諭鴉片來自外洋全在申嚴海禁而各省海口情形
不同著各該督撫體察情形妥議章程具奏等因欽此

並准部行禁烟條款內開各省海口責成督撫及海關監督詳議章程等因臣等伏查鴉片販自海洋而進出總由口岸亟應絕其來路庶足杜其弊源浙江省海口情形已由浙江撫臣烏爾恭額查明覆

奏福建沿海一帶口門林立港汊紛歧隨潮悉可逼洋到處皆能登岸是閩省海口視他省更爲錯雜則防範尤應緊嚴欽奉

諭旨飭令妥議章程遵卽轉行藩臬兩司並各鎮道府按時度勢因地制宜反復推求不厭詳慎茲據陸續復到由司核議會詳請

奏前來臣等謹就管窺所及擇其易於奉行實有裨益而無窒礙者臚列四條敬爲我

皇上陳之

一外洋宜先設法防查以杜偷越也查閩省福州興化泉州漳州福甯五府所屬地多濱海臺灣一府又孤懸海外沿海居民良莠不一每有私出海洋運販烟土不敢進口多係停泊外洋另用小船陸續偷運上岸節經拏獲王畧林卽張潘等懲辦而利之所在奸民愍不畏死其弊總未盡絕今粵東查辦鴉片甚嚴並恐夷船竄入閩海在洋盤販尤應加意巡防閩

省水師分爲專巡協巡分巡遊巡總巡統巡六項上
下籍制聲勢已極聯絡現又飭調南北兩洋合巡船
在於各要害洋面隨時接應並移行水師提鎮督同
將備親自出洋率領舟師多配兵械實力巡查其與
粵洋相接之南澳爲入閩門戶尤關緊要應請責成
南澳鎮帶領兵船嚴加防堵不使夷船闖入閩界其
餘各府洋面並令水師不分畛域梭織巡邏如商船
在洋寄碇旁有小船攏駁貨物卽屬大夥烟販立赴
查驗拏解辦如敢得貯賣放以及藉端滋擾嚴參
拏間以肅海防而絕流弊

一口岸宜分別稽查以杜踈漏也查閩省廈門蚶江五虎門三處直達外洋凡商漁大船例應在此掛驗出入謂之正口均有文武口員層層盤驗尙易稽查其乘潮往來之捕魚小船皆由小口出入而小口有名者已不下數百其無名私口更不可勝計奸民接販烟土多由於此其弊惟泉州府屬晉江縣轄之梅林深滬惠安縣轄之大墜獵窟等處爲尤甚蓋緣海潮長落靡常有潮長時卽可通舟潮落時涸爲沙灘亦可登岸者有春夏間口門在此秋冬時又在他處者向來祇就有名之大小各口加意嚴查此等私口

以其忽有忽無致難防範現將小口私口逐一釐查
或添派掛驗之員或併歸何口兼管以專責成而杜
諉卸其最要之梅林深澗等處分派舟師認真巡緝
並將商漁大船每船責令澳甲族隣及同鴻十船於
向例應出保結內添敘不得販運鴉片一船有犯出
結人等卽行舉發立拏究辦船隻入官知而不舉一
體同罪其採捕小船如魚鱠釣艇等類多係海邊窮
民資海爲生未便不聽其就近出入亦應責成口員
認真查驗並限以朝出暮歸不准在洋隔宿仍嚴禁
丁胥從中滋擾以示體罰至閩省商船前往各省貿

易誠恐在洋夾帶鴉片必須設法稽查惟是商船乘風而行瞬息千里非如經由內河得以逐站查驗若竟任其所之又虞踈漏臣等會議嗣後如有商船駛

往何省貿易責令口員查驗貨物並無夾帶將貨箱封記同牌照商名造具清冊咨明起貨發賣省分仍照造一分付該商收執如該商船駛至發賣省分該省卽照冊查驗原封並無拆動聽其銷售儻查有夾帶禁物卽行跟究由何處私販卽咨該省從嚴懲辦儻該商船中途遭風不能駛至發賣省分准其就近收口卽將所執清冊呈明該處口員一體查驗聽其

發賣仍咨明各省一體知照以杜偷漏而歸簡便

一水陸宜互相嚴查以專責成也查奸民接運烟土
有在外洋有在口岸沿海稽查分責水陸文武若心
存畛域不能協力防範必致乘間偷漏應請責成該
管水陸文武員弁互相稽查認真巡緝以絕根株並
令凡有拏獲販烟案犯先究明該船於何時由何處
出口赴何處購買何人經手並由何處洋面經過及
由何處上岸守口兵役有無賄縱逐一根究除將故
縱兵役嚴拏重辦外其文武各官訊明烟土係由洋
面販運者則叅水師各官如訊由口岸偷漏者則叅

陸路文武各官分別有無受賄知情據實究辦以期
水陸交嚴使各有考成無可推諉

一關口宜令委員親自查驗以杜夾帶也查閩省沿
海關口向俱設有稅館由兼管閩海關稅務福州將
軍衙門遴派幹員督同丁役在彼駐劄盤驗巡防輪
番更替尙昭嚴密但恐委員泄忽從事或不親自搜
查假手丁役代驗難保不滋流弊臣等面加商酌由
臣嵩溥嚴飭管口各委員凡有商民貨船出入關口
責令親自搜查嚴加盤驗以杜偷漏其無夾帶烟土
之船不准絲毫滋擾以安商旅而裕餉稅如敢故爲

才難以及怠惰偷安虛應故事一經察出立予糾參
不稍姑息

以上四條臣等確按閩省情形悉心商酌嚴外洋口岸
之稽查誠水陸關津之疎縱責無旁貸政皆易行此外
如有未盡事宜隨時斟酌妥辦羈念鴉片流毒日久凡
在水陸文武大小臣工已荷

天恩浩寬旣往今又明定懲勸章程各應激發天良咸
知感奮視鴉片爲蠹國殃民刻不可存之物其敢私販
轉運卽爲罪不容誅之人務使有犯必懲根株淨盡以
仰副

聖主易俗移風爲民除害之至意臣等謹恭摺覆奏伏乞

皇上聖鑒訓示敕部核覆施行謹

奏道光十九年九月日奏奉

硃批

覆奏漳泉營務情形摺

奏爲遵

旨查明漳泉營務情形恭摺覆

奏仰祈

聖鑒事竊臣前於出京時准軍機處交到御史焦友麟

上卷之二十一

條奏閩省營務廢弛一摺傳

旨命臣查明具奏欽此臣查該御史原奏內所稱海口每有黑夷採買內地少女皆奸民偷拐盜賣兵丁爲之包攬等語臣前奉

旨訪查夷船採買幼孩一摺與此無異經臣查明實無其事業經摺覆

奏在案是夷船旣無採買幼女之事卽兵丁亦無包攬之弊矣又原奏內稱漳泉風氣民不畏官而畏官兵弁以是居奇文員受其挾制等語此誠向來之錮習也緣漳泉民風强悍遇案情重大若不帶兵往拏竟可釀成

拒捕戕官鉅案故有不得不會營之勢而欲戢驕風則
視乎將領之賢否果能約束有方卽文員亦不至受其
挾制矣又原奏內稱民間爭鬪每爲挑逗衅端激成械
鬪重案復又累索地方官盈其谿壑方肯協拏又不遵
約束抄掠財物所到一空地方官每緝一案動需洋銀
四百圓名爲兵費等語此亦向有之情形而所言尙未
詳盡也臣細加訪察從前地方殷富各姓宗祠中斂有
公費專爲械鬪之用每出一案地方官會營彈壓不獨
兵丁索費卽帶兵之將備亦日索洋銀五六圓不等且
任令兵丁抄掠不爲禁止不肖州縣亦卽借兵費名目

勒派百姓近年來民間公費無出故械鬪亦較少凡案情較輕地方官亦有不盡會營者至必須帶兵之案將備無可需索而兵丁之口食犒賞尙在所不免前新任提臣余步雲在省時臣亦面囑其留心體察嗣據函稱訪查近時風氣較好仍當隨時嚴查以除積弊等語臣余步雲馭兵素嚴當可力爲整頓也又原奏內稱夷船夾帶鴉片一至閩界皆借兵丁包庇交通而吸食更不待言等語臣查兵丁包庇鴉片多係水師前臣與署督臣魏元烺訪知水師把總林和國有包送鴉片之事

嘗經

奏叅革職究辦其明徵也至陸營兵丁尙未聞有包庇
交通之事其吸食之弊武弁且所不免兵丁中更難保
其必無臣惟有嚴飭地方官暨各該營將領隨時訪查
如兵丁有染此習者卽行嚴拏究辦務期有犯必獲勿
稍姑息以冀仰副

聖主整飭戎行之至意所有臣查明漳泉營務情形謹
據實恭摺覆

奏伏乞

皇上聖鑒謹

奏道光十九年十月二十三日奏奉

硃批另有旨欽此

吳文節公遺集卷六目錄

奏議

覆奏海口情形摺

海口防堵片

覆奏查禁私錢摺

海口防守情形摺

請改修船章程片

海口預備攻守情形摺

吳文節公遺集卷六

男養原謹編

奏議

覆奏海口情形摺

奏爲遵

旨查明據寶具

奏仰祈

聖鑒事竊臣於本年正月十二日承准軍機大臣字寄
道光十九年十二月二十三日奉

上諭御史杜彥士奏風聞福建同安縣塔仔腳地方有

夷船四隻停泊多日該水師提督巡洋經過該處演放
船上大礮該夷船一聞礮聲登時齊發大礮兵丁受傷
甚眾該提督舍舟上山開礮乘高擊逐自午至申夷船
始行開散現聞該夷船尙在附近海口停泊等語夷情
狡詐膽敢抗拒官兵轟擊受傷如果屬實豈可畏葸養
奸致貽後患著吳文鎔查明據實具奏並查該夷船如
尙泊海口卽飭水師員弁相機擊逐勿令逗留滋事是
爲至要將此諭令知之欽此遵

旨寄信前來承准此伏查上年十月間准金門鎮總兵
寶振彪咨稱十月初一日探有夷船一隻拋泊大陸洋

面當卽督令舟師押逐居然不理卽經整飭礮火戲占
上風環繞攻擊該夷船被擊狼狽卽向外洋逃走又於
十月十八日探有夷船三隻泊在梅林洋面該鎮隨會
同水師提督陳化成督帶舟師驅逐該夷船仍然拋泊
卽令各船整備礮火聯舷駛進連環轟擊該夷船一面
掛帆一面用礮抵敵隨拒隨走自辰至午礮火絡繹不
絕該夷船傷斃人口實有幾何雖未知悉但見橫具風
帆實形狼狽立向外洋逃駛各兵船極力尾追不及始
行收回查點各船帆索橫具均有微損惟水師提標金
安泰新瑞泰二船均有被礮子穿入船身者幸未傷人

金門右營湯字五號船兵丁黃士達被礮子打傷右膝周文顯被礮子打傷右腿受傷較重又海壇左營永字三號船兵丁楊得福被鉛子打傷左額角丁華明被火藥燒傷右手受傷尚輕並炸開四百斤鉛煩礮一門等情臣與前督臣桂良當以該夷船之潛來遊奕無非圖銷鴉片迨經舟師巡查押逐膽敢逞蠻抗拒傷及兵丁實屬桀驁藐法亟應嚴行勦逐以示懲創而資震懾惟該鎮所稟各情有無未盡受傷兵丁果否僅止四名傷痕輕重若何現在各口門究竟有無夷船潛匿卽經會同密飭興泉永道劉耀椿查覆並委督署巡捕王江前

往確查核辦嗣據該道等先後稟覆情形與該鎮所稟
相同並據該鎮續報兵丁黃士達於十一月二十五日
因傷斃命其周文顯楊得福丁華明傷均平復又據稟
報十二月初六十六等日探有夷船一隻復來遊奕卽
時督率師船轟擊追逐該夷船立卽駕逃等情查該兵
黃士達因公捐軀情殊可憫先經批飭優加卹賞並當
照例咨部請卹以昭激勸臣與前督臣桂良正將辦理
情形繕摺

奏報聞欽奉

諭旨飭查前因臣查閩省洋面向不淮番舶往來近年

來因奸夷圖銷鴉片往往潛駛入境現當粵省嚴行查辦聞省洋面毘連尤須加意防範節經臣與前督臣桂良咨行水陸提鎮諸臣嚴密防堵並將各兵船調集扼要處所首尾相應以壯軍威茲上年十月間該夷船經舟師大加奮擊雖兵丁傷斃一名而該夷船情形極爲狼狽嗣後雖屢冀潛來而一經擊逐卽畏懼遠遁其伎倆已可概見惟當此弭繁之時附近各海口雖不敢公然停泊而夷情狡詐難保不由外洋倏忽闖入斷不容稍爲鬆勁以致養奸貽患臣現仍嚴切咨行提鎮道府廳縣營汛嚴密防禦一經瞭有夷船卽行相機擊逐勿

使逗留一面偵拏通夷奸民悉獲究辦免致勾結覬覦
總期洋面肅清烟毒屏絕仰副

聖主慎重海防保衛民生之至意所有

臣遵

旨查明緣由理合據實覆

奏伏乞

皇上聖鑒謹

奏道光二十年正月二十三日奏奉

硃批另有旨欽此

海口防堵片

再查夷船自節次轟逐之後仍敢竄至遊奕其意總在

勾結漢奸銷運鴉片是欲杜夷蹤首在嚴察奸民私行
出洋勾通接濟惟泉州漳二府濱海之區地勢散漫港汊
紛歧而泉州所屬晉江惠安二縣爲尤甚無名小口多
至數十處防範稍疎卽難保不乘間偷越臣現特飭興
泉永道劉耀椿於泉屬各縣扼要隘口設法防緝並咨
陸路提臣余步雲派兵二百名酌遣明幹備弁數員暨
遴委候補知縣二員檄交該道相機布置嚴立賞罰無
分晝夜嚴密防堵偵拏一面仍咨水師提臣督率兵船
在洋巡察遇有夷船竄入卽行攻逐毋許鬆勁總期水
陸交嚴互爲聲援務收實效所有現在辦理情形臣謹

附片奏

聞伏乞

皇上聖鑒訓示謹

奏道光二十年正月二十三日奏奉

硃批另有旨欽此

覆奏查禁私錢摺

奏爲遵

旨查禁私錢勒限收繳恭摺覆

奏仰祈

聖鑒事竊本年五月二十日承准軍機大臣字寄欽

奉

上諭御史巫宜禊奏閩省汀州府屬行使夷錢請一體
查辦一摺著鄧廷楨吳文鎔體察地方情形妥議章程
具奏原摺著鈔給閱看將此諭令知之欽此當經前督
臣 鄧廷楨會同臣 轉行欽遵查禁去後茲據汀州府知
府賡音布稟覆汀州府屬並無沿海口岸商販舟楫不
通八縣中如甯化清流歸化連城四縣民淳地僻閭閻
一切貿易均用制錢其長汀上杭武平永定四縣雖無
奸民開爐私鑄而界連江廣商旅往來難免夾帶入境
並非來自外洋等情伏查民間貿易自應一律行用制

錢若攬和私錢已干例禁倘竟行使夷錢尤屬大干法紀更當嚴行查禁從重究辦茲查汀州府屬各縣並不濱海通商夷錢自無從混入惟長汀等縣界連江廣行旅絡繹難保無不法奸商夾帶私錢入境行使亟應立定章程嚴查究禁以杜流弊現經臣責令該府督飭各該縣會同營汛凡於入境要隘選派妥幹兵役嚴密查拏如有奸商夾帶小錢愚民違禁收買一經獲案卽照例從嚴治罪一面設局收繳出示曉諭鋪戶商民人等將所存小錢儘數赴局呈繳每斤照例給制錢六十文仍令將收繳數目按旬摺報以憑查考統以半年爲限

收繳淨盡解省銷燬倘限滿之後再有違禁夾雜行使
除人犯治罪外並將該管府縣從重叅處以示懲儆據
藩臬兩司會詳前來

臣謹恭摺覆

奏伏乞

皇上聖鑒訓示再福建巡撫係

臣本任毋庸會銜合並

陳明謹

奏道光二十年十月二十五日奏奉

硃批核實妥辦欽此

海口防守情形摺

奏爲咷夷復肆桀驁閩省各海口現在調兵練勇嚴密

防守情形恭摺馳

奏仰祈

聖鑒事竊照咈咈夷船於本年夏秋間節次在閩省
廈門滋擾疊經前督臣鄧廷楨會同臣飭令將弁兵勇
轟擊遁去一面分飭濱海各道府廳縣營汛團練壯勇
築建礮墩石牆安置沙囊鐵蒺藜加鑄大礮以資攻守
迨該夷在天津投遞呈詞情形頗爲恭順蒙

欽差大臣赴粵東查辦奉

旨將各處添防兵丁招募鄉勇酌量裁撤以節糜費卽
經欽遵辦理恭摺覆

奏在案嗣查該夷船雖稱起碇赴粵聽候查辦而閩省
洋面時有一二隻遊奕總未絕跡是其居心叵測詭詐
多端已可概見復經疊飭沿海各文武嚴密防守勿稍
疎懈去後茲准

欽差大臣琦善咨稱嘆夷狡黠異常求索無厭疊經派
員往與面諭並備文詳晰開導該夷始終堅執所請日
益增添其兵目人等悉以打仗恫喝誠恐愈縱愈驕勢
不能已於轟擊現已分別撥兵預備一經交鋒恐又必
各路滋擾相應密速飛咨督率竭力防守務保無虞廈
門一帶并須留意等因伏查該夷狼子野心難於馴服

旣敢桀驁抗拒自應痛加轟擊以彰

天威唯閩洋居粵浙之中最爲衝要茲定海尙未克復
粵東又須用兵該夷被創後勢必逃竄入閩是閩省沿
海口岸處處喫重而廈門爲全省咽喉關繫尤要該處
前次防兵僅留二百名餘皆撤退臣現在咨行水陸提
鎮標營將前次撤回之兵仍行調往協防散去鄉勇趕
令設法團練其餘各要口亦酌量添兵戍守省城鑄就
大礮分別解往安放以資守禦如廈門一有警報臣當
將巡撫篆務交福建藩司瑞元護理一面奏

聞一面馳往泉州督辦期無疎虞至現在調兵練勇行

裝口糧已飭司籌款給發不致貽誤仍照例核實報銷
不許稍涉虛糜以重款項所有閩省接准粵咨現已調
兵籌防夷船情形理合恭摺由驛馳

奏伏乞

皇上聖鑒訓示謹

奏道光二十年十二月十七日奏奉

硃批另有旨欽此

請改修船章程片

再各廠承修戰船向有遲延積壓之弊細訪其故緣水
師應修之船向由該營派一管隊駕廠卽住廠中監工

管隊係屬兵丁人本輕微亦非素解工程往往力難掣
肘以致稽延時日應請嗣後管隊駕船到廠交割完畢
卽令回營當差無庸在廠監工又漳州廠修竣戰船向
例駕至廈門由水師提督驗收如有不妥駁回重修洋
面風汛靡常往返之間動致耽延時日查漳州有總兵
駐扎最爲近便應請駕船到廠修船完畢卽由漳州鎮
總兵就近親切督收期有不安立即指駁重修庶要工
不致遲延而巡哨可備得力是奉有當理令附片陳明
伏乞

聖諭訓示諱

奏道光二十年十一月十九日奏奉

諫批另有旨欽此

海口預備攻守情形摺

奏爲續准粵咨嘆逆先肆滋擾閩省海口嚴飭加謹預備攻守情形並請

旨籌撥經費以資接濟恭摺馳

奏仰祈

聖鑑事竊照前准

欽差大臣琦善咨會嘆逆在粵桀驁不馴誠恐愈縱愈驕勢不能已於轟擊一經交鋒恐又必各路滋擾飛咨

督率竭力防守等因卽經臣咨行水陸提鎮標營將前
次撤回之兵仍行調往協防散去鄉勇趕令圍練其餘
各要口亦酌量添兵戍守省城鑄就大礮分用解往安
放以資守禦並飭司將兵勇行裝口糧籌款給發不使
貽誤業將籌防情形恭摺奏陳

聖鑒嗣欽奉

諭旨著遴選將弁整理礮械先事預備如該夷再來投
遞呈詞一概拒絕或夷船駛近口岸卽行開放槍礮痛
加攻剿等因欽此復經臣欽遵飛行沿海各文武加意
防堵竭力攻剿去後茲先後准據代辦陸路提臣陶煜

文暨興泉永道金門鎮稟報晉江惠安金門大陸梅林
一帶洋面時有夷船五六隻或七八隻往來游奕尙未
駛近口岸等情正在嚴飭密防間又接准

欽差大臣琦善咨該夷投到夷書不候回文卽於次早
直攻大角沙角兩礮臺現在彼此相持無分勝負難保
不四出滋擾請卽一體防堵等因查該夷桀驁強橫一
至於此亟應嚴密防範如敢駛近口岸卽當痛加攻勦
以彰

天威而示懲創惟閩洋袤延二千餘里其孤懸海中如
廈門臺灣固屬最爲險要其次如澎湖海壇銅山等處

亦皆四面環海無城可守至濱海各縣口岸林立一帆
可達際此攻守緊要之時必須多撥防兵雇募水勇漁
船以資截擊購置木筏以堵竄越所需口糧雇值以及
運送軍械夫價需費浩繁所有上年籌備經費銀十萬
兩業經支發無存現已酌發泉州二府銀六萬兩以供
支應此後雖久暫莫定而一切費用不能不寬爲籌備
庶免臨時周章查福建藩庫堪以籌撥銀二十萬兩據
省會總局司道詳請具

奏前來相應據實奏明請

旨於福建藩庫籌撥銀二十萬兩並請

救部於福建較近省分指撥銀二十萬兩迅卽解運來
閩以資接濟而免缺乏所用經費統俟歲事之日查照
例案核實報銷如有餘存另行撥撥臣惟有督率各該
管道府撙節支用斷不敢稍任虛糜致滋冒濫至閩省
本乏大礮前次

奏明捐製八千斤六千斤大礮三十六門演試頗能致
遠有準已恭摺覆

奏在案茲查沿海稍次之要口甚多尙屬不敷分撥應
再添製六千五千四千斤大礮各六門分撥各海口以
備轟擊所需工料卽於此次請撥經費內支用臣謹恭

摺由驛馳

奏伏乞

皇上聖鑒訓示謹

奏道光二十一年正月初三日奏奉

硃批另有旨欽此